

- Tulis 5 perenggan sahaja. Setiap perenggan hanya ada dua (2) ayat pernyataan.
- Ayat pertama, satu isi yang padat dan lengkap.
- Ayat kedua, satu huraian yang diolah daripada isi utama.

1. Kepelbagaian masyarakat dalam sesebuah negara menyebabkan munculnya kepelbagaian budaya, adat resam, bangsa dan agama. Jelaskan LIMA langkah untuk memupuk kesepaduan kaum dalam kalangan masyarakat.

Jawapan

Pertama, ibu bapa seharusnya menjadi suri teladan kepada anaknya dengan memberi dorongan kepada anak-anak seperti berkunjung rumah jiran tetangga untuk menyambut hari perayaan bagi setiap kaum dan menyertai aktiviti yang dapat mengukuhkan perpaduan antara kaum. Ini dapat menyemai semangat perpaduan dalam diri anak sejak kecil dan kemudiannya memupuk integrasi kaum dan mencapai perpaduan di Malaysia.

Kedua, pihak sekolah sepatutnya menyuruh guru-guru pendidikan moral untuk mendidik pelajar-pelajar tentang perpaduan kaum dan mengadakan aktiviti kumpulan yang merangkumi semua kaum umpama kaum Melayu, Cina, India dan lain-lain lagi. Langkah-langkah ini dapat mengeratkan hubungan silaturahim dengan rakan-rakan yang berbeza kaum dan murid akan mengetahui kepentingan dan cara untuk memupuk perpaduan kaum.

Ketiga, pihak kerajaan hendaklah mengadakan kempen-kempen kesedaran tentang kepentingan perpaduan kaum dan menghasilkan video dan poster serta memuat naikkan mereka melalui media massa. Dengan ini, masyarakat Malaysia dapat menyedarkan diri tentang kepentingan perpaduan kaum melalui kempen dan video/poster dan seterusnya menyemarakkan semangat perpaduan dalam kalangan rakyat.

Keempat, komuniti boleh mengadakan aktiviti sukan dan rekreasi seperti bersenam bersama dengan komuniti di taman dan memperkasakan aktiviti sukarelawan dan kebajikan. Hal ini dapat menyemai sikap kerjasama dan toleransi antara kaum dan menyerap nilai kemanusiaan dalam setiap individu yang dapat menambah nilai perpaduan antara kaum dan menjamin perpaduan kaum.

Kelima, pihak kerajaan seharusnya menyatukan institusi pendidikan dari peringkat rendah dan menyeragamkan sukatan pelajaran/kurikulum. Sebagai contoh, sekolah vernakular dapat disatukan untuk mengurangkan jurang pendidikan antara kaum dan ini membolehkan pelajar-pelajar yang berbeza kaum bergaul dan berkomunikasi sejak kecil yang kemudiannya mengeratkan perhubungan serta memupuk kekitaan antara kaum.

2. Sastera berkembang mengikut perubahan zaman dan tuntutan nya. Keadaan ini memberi kesan kepada kehidupan manusia. Jelaskan LIMA kepentingan karya sastera dalam kehidupan.

Jawapan

Pertama, karya sastera adalah penting kepada rakyat Malaysia untuk mengenali dan mencintai bahasa ibunda serta memupuk kecintaan terhadap bahasa kebangsaan. Corak penulisan yang mempunyai format seperti ritma membolehkan rakyat Malaysia merasa bangga kerana ia melambangkan identiti sebagai warganegara Malaysia dan menyemai semangat cinta terhadap bahasa kebangsaan iaitu Bahasa Melayu di Malaysia.

Kedua, kita dapat memperbanyak perbendaharaan kata atau perkataan yang terkandung dalam sesuatu bahasa serta memperluaskan pengetahuan melalui karya sastera. Sebagai contoh, karya sastera Bahasa Melayu yang menggunakan perkataan klasik dapat meluaskan horizon perbendaharaan yang kita ketahui dan ini membolehkan bangsa Malaysia menjadi lebih berketerampilan dan intelek.

Ketiga, seseorang dapat memperolehi hiburan dan informasi daripada karya sastera dan kemudiannya mengambil iktibar daripada kisah yang terkandung di dalamnya. Contohnya, isu-isu yang berlaku dalam karya sastera dapat dijadikan sebagai pengajaran dan pengingatan kepada pembaca dan membolehkan pembaca membuka minda untuk melihat sudut pemikiran yang berbeza daripada kisah yang diceritakan.

Keempat, karya sastera membolehkan masyarakat berfikir secara kreatif dan kritis kerana sastera sarat dengan elemen tersurat dan tersirat. Hal ini demikian kerana sastera seni perasaan, masyarakat yang maju adalah masyarakat yang mampu menghayati kehidupan dan ia mampu membawa dunia baharu dalam konteks emosi dan intelek.

Kelima, karya sastera sering mengupas kemelut sosial yang sudah berlaku, sedang berlaku dan mungkin bakal berlaku dalam kalangan masyarakat dan mampu mematangkan pemikiran seseorang. Lantaran itu, ia membolehkan pembaca mengetahui sesuatu kemelut dengan lebih baik dan memahami impak yang telah timbul dengan menjadikan satu informasi yang berguna atau kesedaran kepada pembaca dalam melihat kehidupan.

3. Sejarah banyak membuktikan bahawa kehancuran sesebuah negara adalah disebabkan masalah ketidakstabilan politik. Bincangkan LIMA langkah efektif bagi menjamin kestabilan politik.

Jawapan

Pertama, rakyat Malaysia seharusnya bertolak-ansur antara satu sama lain tanpa mengira kaum dan menyemai semangat perpaduan kaum. Sikap toleransi membolehkan rakyat Malaysia hidup bersatu-padu dan aman damai tanpa pertelingkahan berlaku dan kemudiannya menjadi tulang belakang yang kukuh kepada kestabilan dan kegemilangan Malaysia.

Kedua, pihak kerajaan sepatutnya memerintah Malaysia dengan adil dan tidak mengamalkan sikap radikal terhadap sesuatu kaum. Pemerintahan yang bersikap terbuka dan tidak berat sebelah dapat mengurangkan perselisihan faham antara kaum dan secara tidak langsung menyatupadukan semua warganegara Malaysia untuk menjamin kestabilan politik dan kemakmuran negara.

Ketiga, pihak kerajaan hendaklah memastikan agihan kekayaan negara yang adil seperti meningkatkan kualiti hidup, pendapatan dan produktiviti golongan miskin tanpa mengira kaum. Dengan ini, pembangunan masyarakat yang seimbang memastikan jurang ekonomi antara kaum dapat dikurangkan dan meningkatkan ekonomi negara yang dapat menentukan kestabilan politik.

Keempat, pemimpin-pemimpin Malaysia seharusnya mengamalkan sikap keadilan dalam merangka perlembagaan dan menggunakan konsep kesamarataan layanan kepada semua kaum. Perlembagaan yang adil dapat mengukuhkan hubungan kaum dengan mengurangkan ketidakpuasan hati bagi sesuatu kaum dan seterusnya mewujudkan politik yang tidak bersifat perkauman dan stabil.

Kelima, masyarakat Malaysia haruslah bersikap rasional dan kesederhanaan serta berfikiran terbuka dengan tidak ekstrem terhadap segala tindakan, keputusan, sikap dan kata-kata. Sikap keterbukaan memastikan keharmonian dan kesatuan masyarakat berbilang kaum sentiasa terpelihara dan seterusnya membolehkan Malaysia kekal sebagai sebuah negara yang aman, harmoni, maju dan stabil.

4. Setiap tamadun di dunia mempunyai sistem perundangan tersendiri dalam mengawasi tingkah laku masyarakat. Jelaskan LIMA kepentingan undang-undang kepada masyarakat dan negara.

Jawapan

Pertama, undang-undang adalah penting untuk menjamin kebahagian sesebuah masyarakat terumatanya masyarakat yang terdiri daripada pelbagai kaum dan memastikan rakyat hidup bersatu-padu. Undang-undang yang menggunakan konsep kesamarataan layanan dan hak semua kaum memastikan semua kaum mendapat perlindungan yang sama rata dan seterusnya mengukuhkan dan mengeratkan hubungan kaum memandangkan konflik antara kaum dapat dikurangkan.

Kedua, undang-undang adalah penting untuk menentukan hala tuju negara iaitu sebagai teras panduan pemerintahan dan membentuk sistem pentadbiran yang teratur. Sebagai contoh, undang-undang akan menentukan corak pemerintahan dan pembahagian kuasa antara badan-badan kerajaan dan ini dapat menjamin kestabilan politik serta mempertingkatkan pembangunan negara.

Ketiga, undang-undang yang mengandungi konsep raja dan sultan adalah penting dalam mewujudkan hubungan antara kaum yang baik serta harmoni dan menjaga hak asasi rakyat. Hal ini demikian kerana sultan merupakan simbol penyatuan yang bertanggungjawab menjaga kepentingan rakyat berbilang kaum dan melindungi setiap kaum di bawah payung yang sama untuk mengelakkan perasaan ketidakpuasan hati bagi suatu kaum.

Keempat, undang-undang penting dalam kehidupan masyarakat memandangkan ia dapat mengawal tingkah laku masyarakat serta pelaksanaan hukuman yang adil sekiranya seseorang melakukan jenayah seperti pembunuhan atau perompakan. Undang-undang memastikan masyarakat berdisiplin kerana hukuman akan dikenakan berdasarkan tahap kes jenayah dan ini secara tidak langsung dapat menjamin keamanan dan kestabilan negara.

Kelima, undang-undang adalah penting untuk mengekalkan kedaulatan negara, membangunkan ekonomi serta menjamin kestabilan politik. Sebagai contoh, masyarakat Malaysia dan pemerintah terikat dengan undang-undang dan wajib mematuhi undang-undang negara yang telah dirangka untuk kebaikan semua dan ini akan memastikan negara akan sentiasa aman dan berdaulat yang dapat menjamin kemajuan negara.

Kenapa golongan sarjana sangat penting dalam negara atau tamadun?

Kesan positif kewujudan golongan sarjana dalam negara atau tamadun?

Contoh Jawapan

Pertama, golongan sarjana adalah penting untuk membangunkan sesuatu bangsa dan memajukan negara dalam pelbagai bidang. Hal ini demikian golongan sarjana merupakan golongan yang terdedah kepada pendidikan yang sempurna untuk menyebarkan ilmu pengetahuan dan memberi kesedaran kepada masyarakat dalam pelbagai aspek serta perkongsian pengalaman dapat mempersiapkan diri mereka selengkapnyanya dengan ilmu pengetahuan dalam pelbagai bidang.

Kedua, golongan sarjana adalah penting untuk memudahkan kehidupan masyarakat dan meningkatkan komunikasi dan perhubungan dalam suatu negara. Perkembangan sains dan teknologi telah mencipta peralatan yang moden umpama komputer, mesin basuh dan vacuum robot untuk memudahkan kerja harian manusia dan seterusnya meningkatkan taraf hidup rakyat di negara tersebut.

Ketiga, golongan sarjana dapat menghapuskan kemiskinan dan menentang penindasan oleh golongan berkuasa ke atas golongan yang lemah dan miskin. Hal ini demikian kerana golongan sarjana telah memahami masyarakat serta persekitaran sedalamnya dan seterusnya dapat menyumbang idea, strategi dan kepakaran untuk membangunkan masyarakat demi membasmi kemiskinan dan meningkat ekonomi negara.

Keempat, golongan sarjana bertanggungjawab untuk melestarikan peradaban negara bangsa dan membentuk sebuah negara yang beretika tinggi. Sebagai contoh, golongan-golongan sarjana dapat menggembelng tenaga bersama masyarakat untuk memastikan kelangsungan agenda negara dalam pelbagai dimensi dapat dipenuhi dan membentuk sebuah peradaban yang tinggi dan maju dalam negara.

Kelima, golongan sarjana dapat membantu dalam bidang pendidikan dan meningkat mutu pendidikan di sesebuah negara, Contohnya, golongan sarjana merupakan modal insan yang dapat mengaitkan ilmu intelektual dengan ilmu-ilmu lain dan menimbulkan kesedaran tentang kepentingan pendidikan dalam kalangan masyarakat untuk membimbing rakyat negara dalam mencapai kemajuan duniawi dan akhirat.

Kesan negatif jika negara tiada golongan sarjana?

Contoh Jawapan

Pertama, teknologi negara akan menjadi mundur dan menyebabkan ekonomi negara menurun. Hal ini demikian kerana ketiadaan golongan sarjana menyebabkan alat-alat baru yang dapat memudahkan kerja harian manusia tidak dapat dicipta atau dihasil dan mengurangkan produktiviti masyarakat yang seterusnya menurunkan taraf hidup masyarakat.

Kedua, ketiadaan golongan sarjana akan menyebabkan bangsa yang mempunyai budaya ilmu yang tinggi tidak dapat dilahirkan dan kejatuhan sesebuah negara akan berlaku. Hal ini disebabkan tiada golongan sarjana dapat menyebarkan ilmu pengetahuan dalam pelbagai aspek serta memberi kesedaran kepada masyarakat dan ini melahirkan masyarakat yang tidak berilmu yang akan membawa keruntuhan negara.

Ketiga, ketiadaan golongan sarjana akan menyebabkan kadar kemiskinan meningkat dan peristiwa penindasan golongan berkuasa ke atas golongan yang lemah dan miskin akan bertambah. Hal ini berlaku kerana tiada strategi dan kepakaran yang sesuai untuk membantu golongan lemah dalam meningkatkan pendapatan dan ini menyebabkan jurang perbezaan antara golongan berkuasa dan golongan miskin semakin besar.

Keempat, ketiadaan golongan sarjana membawa kepada sistem pendidikan yang lemah dan tidak berkualiti dan melahirkan masyarakat yang bersifat tertutup dan mempunyai pemikiran di takut yang lama. Sebagai contoh, tiada golongan sarjana menimbulkan kesedaran tentang kepentingan pendidikan dan seterusnya melahirkan masyarakat yang tidak beradab dan hanya mementingkan diri.

Kelima, ketiadaan golongan sarjana menyebabkan peradaban negara bangsa yang tinggi tidak dapat dilahirkan dan negara yang beretika tinggi tidak mampu terbentuk. Hal ini demikian kerana tiada golongan sarjana yang dapat menggembelng tenaga bersama masyarakat untuk memastikan kelangsungan agenda negara dalam pelbagai dimensi dan negara yang maju tidak dapat terbentuk.

Soalan 2

Apakah kepentingan institusi keluarga dalam masyarakat?

Contoh Jawapan

Pertama, institusi keluarga adalah penting untuk membentuk akhlak dan kemurnian peribadi dan melahirkan generasi muda yang berketerampilan. Hal ini demikian kerana ibu bapa sebagai suri teladan yang baik dengan mencorakkan erti kehidupan anaknya seperti memaparkan watak dan keperibadian yang mulia dan sentiasa menghormati orang tua serta memastikan pencapaian akademik dan kokurikulum yang cemerlang.

Kedua, institusi keluarga dapat menyemai semangat perpaduan dan membentuk sebuah negara bangsa yang bersatu-padu. Sebagai contoh, ibu bapa boleh menerangkan kepentingan menghormati adat dan kepercayaan kaum yang berbeza dan menunjukkan sikap toleransi dan bertolak ansur antara satu sama lain untuk memupuk integrasi kaum dan mencapai perpaduan negara.

Ketiga, kepentingan institusi keluarga dalam masyarakat termasuk mengelakkan berlakunya masalah sosial dan seterusnya mengurangkan kadar kes jenayah. Kewujudan keluarga dapat mengurangkan fenomena negatif dengan mendidik anaknya untuk membentuk sikap dan akhlak yang bermoral dan seterusnya memastikan anak remaja tidak melakukan kesalahan seperti gejala yang tidak sihat.

Keempat, institusi keluarga yang sihat dapat menyelesaikan masalah-masalah yang berlaku dalam kehidupan dan seterusnya menjamin keamanan negara. Hal ini demikian kerana setiap lapisan masyarakat mempunyai keluarga yang dapat menjadi sandaran dan harapan dan membantu mereka untuk mengharungi cabaran kehidupan dan seterusnya memastikan kestabilan negara.

Kelima, institusi keluarga mampu meningkatkan produktiviti masyarakat dalam pelbagai aspek dan menyumbang kepada pembangunan negara. Keluarga merupakan alat keseimbangan kehidupan seseorang yang dapat menghilangkan tekanan di tempat kerja yang dialami oleh seseorang individu dan ini secara tidak langsung dapat mengembangkan ekonomi negara disebabkan pertumbuhan produktiviti rakyat.

Kesan-kesan teknologi yang dapat membangunkan negara?

Pertama, kemajuan teknologi dapat meningkatkan produktiviti organisasi dan menghasilkan barangan dan perkhidmatan yang lebih berkualiti. Contohnya, syarikat-syarikat di Malaysia telah menggunakan mesin moden bagi menggantikan sumber manusia yang terlibat dalam proses pembuatan untuk memastikan proses pembuatan produk yang lebih cekap serta berkualiti dan seterusnya membolehkan negara menjadi lebih makmur.

Kedua, teknologi dapat meningkatkan mutu pendidikan, kecekapan dan keberkesanan hasil pembelajaran serta memajukan negara dalam pelbagai bidang. Hal ini demikian kerana penggunaan komputer dalam proses pembelajaran membantu para pendidik membuat persediaan dengan lebih awal dengan mencari maklumat-maklumat berkenaan melalui laman web dan mempelbagaikan process pengajaran agar pelajar memahami sesuatu topik dengan lebih jelas dan seterusnya melahirkan generasi yang berilmu dan berkemahiran.

Ketiga, kemajuan teknologi dapat meningkatkan tahap kesihatan masyarakat dan membolehkan rakyat menyumbang kepada pendapatan negara demi kecemerlangan negara. Sebagai contoh, pelbagai kaedah dan peralatan moden telah dicipta seperti pembedahan menggunakan teknologi robotik, stetoskop, mesin sinar x, dan tensimeter untuk mengesan dan menyembuhkan pelbagai penyakit berbahaya kerana rakyat yang sihat dapat memastikan tenaga kerja berterusan dan membawa kepada kemakmuran dan kesejahteraan negara.

Keempat, kemajuan teknologi memudahkan komunikasi atau perhubungan antara satu sama lain dan membolehkan kolaborasi perniagaan tanpa halangan geografi. Hal ini demikian kerana alat komunikasi seperti telefon bimbit dan internet membolehkan penyebaran maklumat dapat dilakukan dengan pantas dan harga lebih murah melalui media sosial dan ini membolehkan para usahawan berkomunikasi dengan pelanggan-pelanggan yang berada di mana-mana sahaja dalam masa sesaat dan secara langsung meningkatkan pertumbuhan perniagaan.

Kelima, kemajuan teknologi telah meningkatkan produktiviti proses harian dan memudahkan proses keusahawanan di sesebuah negara. Hal ini demikian kerana teknologi yang maju seperti AI dapat mengurangkan kesilapan manusia dalam kerja harian dengan mengautomasikan tugas serta keusahawanan atas talian dapat berniaga secara antarabangsa dan ini secara langsung dapat meningkatkan keyakinan modal asing untuk melabur dan meningkatkan ekonomi negara tersebut.